



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIV

BROJ: 234

DATUM: 13.1.2017.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska
pitanja
fax: + 387 33 552 810
dzenita@sogfbih.ba

Sadržaj biltena:

Održan sastanak gradonačelnika/ načelnika Tuzlanskog kantona	1
Održan informativni sastanak u okviru sistema obuke za jedinice lokalne samouprave	2
Saopštenje za javnost	2
Sastanak s Cazinjanima koji žive i rade u dijaspori	3
Načelnik Ključa sa Vijećem mladih	3
Općina Tešanj od Fonda za okoliš FBiH dobiti će 300.000 KM za kolektor	4
Ambasador Turske u BiH u Gradskoj upravi Zenica	4
Novogodišnji prijem za penzionisane radnike gradske uprave	5
Načelnik Tuzlić uručio 280 novogodišnjih paketića	5
Održan radni sastanak u cilju obezbjeđenja normalnog funkcionisanja komunalnih i drugih usluga u Tuzli	6
Održano veće dijaspori i privrednika općine Bužim	6
Jedna od najuspješnijih godina za Općinu Iliaš	7
Sporazum o saradnji između Grada Mostara i Sarajeva Green Design Fondacije	8
Načelnik Zovko i ministar Martić potpisali ugovor o sufinansiranju projekta rekonstrukcije i asfaltiranja puta u Novom Naselju	8
Kako bi osigurala bolji prevoz za stanovnike rubnih područja Općina će nabaviti kombi vozila za preduzeće Gras	9
Za tri projekta iz energetske efikasnosti sredstva iz Revolving fonda	9
Uskoro počinje manifestacija Dani Isaka Samokovlije – Sunce nad Drinom	10
Načelnik Općine Kupres u radnoj posjeti u Sarajevu	11
U Ferhadiji postavljena spomen ploča Indexima	11
Javni poziv	12
Više desetina hiljada posjetilaca dočekalo je Novu 2017. godinu na Trgu BiH	13

Bilten Saveza općina i gradova Federacije Bosne i Hercegovine

SRETNU I USPJEŠNU 2017. GODINU ŽELI VAM SAVEZ OPĆINA I GRADOVA FBiH



ODRŽAN SASTANAK GRADONAČELNIKA/ NAČELNIKA TUZLANSKOG KANTONA



U Tuzli je, 23. decembra/ prosinca održan sastanak gradonačelnika/ načelnika Tuzlanskog kantona. Sastanku su prisustvovali načelnici općina ili njihovi opunomoćenici, kao i Vesna Travljanin, direktorica Saveza općina i gradova Federacije BiH.

Domaćin sastanka je bio Jasmin Imamović, gradonačelnik Tuzle, koji je poželio dobrodošlicu i upoznao prisutne sa ciljevima današnjeg skupa. Direktorica Travljanin je upoznala

izabrane zvaničnike sa radom Saveza, načinom i mogućnostima djelovanja, kao i sa izazovima sa kojima se susreće organizacija. Pored utvrđivanja liste kandidata za organe Saveza, prisutni su iskoristili priliku za razmjenu iskustava i razgovor o stanju i položaju jedinica lokalne samouprave u Federaciji BiH.

ODRŽAN INFORMATIVNI SASTANAK U OKVIRU SISTEMA OBUKE ZA JEDINICE LOKALNE SAMOUPRAVE

Na Ilidži je 28. decembra/prosinca održan informativni skup u okviru Sistema obuke za jedinice lokalne samouprave u Federaciji Bosne i Hercegovine. Svrha sastanka je bilo predstavljanje aktivnosti u implementaciji Strategije obuke za jedinice lokalne samouprave u Federaciji BiH za period od 2016. do 2020. godine, analitički osvrt na primjenu Modela finansijske održivosti u 2016. godini, te Plan rada i aktivnosti Sistema obuke za 2017. godinu.



Sastanak je otvorio Miroslav Lučić, član Koordinacionog tijela za obuku, dok je analizu aktivnosti u implementaciji Strategije prezentirala Samra Ljuca, članica Koordinacionog tijela za obuku jedinica lokalne samouprave i predstavnik Agencije za državnu službu Federacije BiH. Adi Imamović, ispred Saveza općina i gradova Federacije BiH prezentirao je realizirane aktivnosti Saveza i koji su naredni koraci.

SAOPŠTENJE ZA JAVNOST

Nacrt zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća

Obavještavamo javnost da je Savez općina i gradova Federacije Bosne i Hercegovine poslao upozorenje Vladi Federacije Bosne i Hercegovine da se Nacrt zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća ne usvaja bez stava Saveza općina i gradova Federacije Bosne i Hercegovine. Kako smo informisani od strane naših članica, Kolegij Premijera Federacije Bosne i Hercegovine, koji je održan 14.12.2016. godine ovlastio je Federalnu upravu civilne zaštite da pripremi Nacrt zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća. Na pomenuti Nacrt zakona postoji niz primjedbi jedinica lokalne samouprave u Federaciji Bosne i Hercegovine. Ističemo činjenicu da Savez nije konsultovan po ovom pitanju a što je bila zakonska obaveza obrađivača Nacrta zakona u smislu člana 56. stav 2. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06). Naglašavamo da je Savez, imajući u vidu ozbiljnost i značaj ove materije, pripremio tekst Zakona o zaštiti i spašavanju u Federaciji Bosne i Hercegovine koji je još prije nekoliko godina dostavljen relevantnim organima vlasti, ali je ostao bez povratnog odgovora, odnosno obrazloženja. U slučaju da je usvojen ovaj Zakon koji je pripremio Savez, općine bi bile spremnije reagovati u uslovima stanja prirodne nesreće koje je 2014. godine zadesilo pojedine općine u Federaciji Bosne i Hercegovine. Napominjemo da je Savez općina i gradova Federacije Bosne i Hercegovine u skladu sa članom 51. Zakona o principima lokalne samouprave u Federaciji Bosne i Hercegovine zakonski zastupnik jedinica lokalne samouprave u Federaciji Bosne i Hercegovine pred višim nivoima vlasti, te da je neophodno tražiti mišljenje Saveza prilikom donošenja svih zakonskih akata koji se tiču jedinica lokalne samouprave.

Stručna služba Saveza općina i gradova Federacije BiH

Gledajte Savez općina i gradova
Federacije Bosne i Hercegovine na



Direktorica Travljanin je upoznala izabrane zvaničnike sa radom Saveza, načinom i mogućnostima djelovanja, kao i sa izazovima sa kojima se susreće organizacija. Pored utvrđivanja liste kandidata za organe Saveza, prisutni su iskoristili priliku za razmjenu iskustava i razgovor o stanju i položaju jedinica lokalne samouprave u Federaciji BiH.



SASTANAK SA CAZINJANIMA KOJI ŽIVE I RADE U DIJASPORI



Prema sadašnjim procjenama, u dijaspori trenutno živi preko 12.000 cazinjana. S obzirom da se radi o populaciji koja je oduvijek na poseban način vezana za svoju matičnu domovinu i koja posjećuje Cazin u svim periodima godine, od avgusta je u Općini Cazin u okviru Centra za pružanje usluga građanima uspostavljen i Ured za dijasporu. Oni su se predstavili 27. decembra/ prosinca predstavnicima organizacija, klubova i džemata u kojima se okupljaju Krajišnici u

nekoliko zapadno- evropskih zemalja. Kako je istaknuto, Ured za dijasporu poslužiće im kao svojevrsan servis u kojem mogu dobiti sve potrebne informacije, objašnjenja i pomoć u obavljanju administrativnih i drugih poslova za vrijeme boravka u domovini. „Od velikog nam je značaja jedan ovakav ured. Ne samo zbog informacija koje ćemo ovdje dobiti nego i zbog toga što će to biti dobar početni korak za okupljanje poslovnih ljudi i potencijalnih investitora, kao i uspostavu registra koji će nam dati sve odgovore o našoj dijaspori“, rekao je Muamer Ljubijankić iz organizacije Bosna International Forum. Da će korist Ureda za dijasporu biti višestruka potvrdili su i ostali učesnici današnjeg sastanka. –„Sada ćemo na jednoj adresi imati odgovore na brojna pitanja dok smo do sada, tragajući za njima, znali često izgubiti previše dragocjenog vremena. Nama je svaki trenutak proveden kod kuće od velike važnosti i nema sumnje da će postojanje jedne ovakve institucije nama itekako poslužiti i pomoći“, kaže Ramiz Pašić, cazinjanin s adresom u Salzburgu. U razgovoru s načelnikom općine Cazin mr. Nerminom Ogriševićem predstavnici dijaspore i danas su otvorili brojne zanimljive teme i pitanja. –„Nama je i dužnost i cilj biti na raspolaganju našim građanima, bez obzira gdje oni žive. Cazinjani su se pokazali kao najbolje organizirani u cijeloj dijaspori, a istovremeno čuvaju svoje veze s maticom, prenose na nove generacije ljubav prema svojoj zemlji i jeziku i sasvim je prirodno da i u svojoj općini imaju tretman kakav zaslužuju. Do sada smo ostvarili dobru saradnju i kroz nju se stvorio prostor za dalja unapređenja, što u konačnici i činimo“, istaknuo je načelnik Ogrišević.

NAČELNIK KLJUČA SA VIJEĆEM MLADIH



Grb Općine Ključ

Institucionalni dijalog je i dalje bitan, a to su pokazale predstavnice Vijeća mladih općine Ključ koje su se 23. decembra/ prosinca po prvi put sastale sa starim/novim načelnikom općine gospodinom Nedžadom Zukanovićem, a u cilju daljeg rada na jačanju institucionalne saradnje mladih i vlasti. Mnogo tema je otvoreno, a konkretno se razgovaralo o Komisijama u kojima bi i Vijeće mladih općine Ključ imalo svoje predstavnike, tačnije u Komisiji za odabir stipendija i Komisiji za mlade pri općinskom vijeću, o finansiranju rada Vijeća mladih i omladinskih udruženja na području općine te o izradi Strategije za mlade koja ističe u 2017. godini.





Predstavnice Vijeća mladih općine Ključ su izložile nekoliko prijedloga u cilju bolje suradnje Općine i Vijeća mladih, izložile su i ono što nije funkcionisalo u prethodnom periodu, a u cilju poboljšanja položaja mladih u Ključu. Obje strane su svjesne da je mladih sve manje i da samo zajedničkim radom i nadopunjavanjem mogu zadovoljiti potrebe mladih u ovoj općini. Rezultat ovom stavu je i zaključak da će se VMK u narednom periodu Općini obratiti sa zahtjevima i prijedlozima o kojim će se opet razgovarati na narednom sastanku, a neki od njih prosljeđeni općinskom Vijeću. Obzirom da Vijeće mladih općine Ključ zajedno sa članicama još od 2013. godine radi na kampanjama javnog zagovaranja koje su za cilj imale otvaranje Omladinskog centra i danas se razgovaralo na ovu temu gdje se je potvrdilo da je Općina kao prioritet kod određenih donatora stavila upravo adaptaciju prostora za Omladinski centar.

OPĆINA TEŠANJ OD FONDA ZA OKOLIŠ FBiH DOBIT ĆE 300.000 KM ZA KOLEKTOR

Fond za zaštitu okoliša FBiH će finansirati ugovorene radove na Izgradnji kolektora B1 na projektu odvodnje i prečišćavanja otpadnih voda na području općine Tešanj (dionica Mračaj-Žabljak i Tešanjka-Kraševo) ukupne vrijednosti 300.000 KM. Radi se o sredstvima za koja su ugovor potpisali Općina Tešanj i Fond za zaštitu okoliša FBiH, a na osnovu javnog poziva.

Zbog vremenskih prilika radovi su trenutno zaustavljeni. U pripremi su nove dionice za 2017. godinu (obezbjedenje dozvola, saglasnosti, rješavanje imovinskih odnosa, nakon čega slijedi javna nabavka - ugovaranje radova).

Ovo je najveći strateški projekat općine Tešanj za koji je u 2015. i 2016. godini izdvojeno cca 5,5 miliona KM - za oko 14 km glavnih kanalizacionih vodova.



Predstavnice Vijeća mladih općine Ključ su izložile nekoliko prijedloga u cilju bolje suradnje Općine i Vijeća mladih. Izložile su i ono što nije funkcionisalo u prethodnom periodu, a u cilju poboljšanja položaja mladih u Ključu.

AMBASADOR TURSKE U BIH U GRADSKOJ UPRAVI ZENICA



U okviru jednodnevnog boravka u Zeničko-dobojskom kantonu Turski ambasador Haldun Koc posjetio je Gradsku upravu Zenica gdje mu je 23. decembra/ prosinca domaćin bio gradonačelnik Fuad Kasumović sa saradnicima. U pratnji Ambasadora bili su: Sedat Yildiz, ataše za trgovinu, Omer Četres, ataše za medije, Vasi Ete, ataše za obrazovanje i Bunyamin Šahin. Ambasadoru je ovo prva kurtoazna posjeta našem gradu u kome se osjeća, kako kaže, kao kod kuće.

Zahvalio je Gradonačelniku na toplom prijemu i srdačnoj dobrodošlici. Na sastanku se razgovaralo o privrednoj i kulturnoj saradnji. Ambasador Haldun je pomenuo tvornicu Natron-Hayat iz Maglaja i projekt Festivala djeteta u Zenici kao primjere dobre saradnje. "Otvoreni smo za unapređenje saradnje i realizaciju projekata za zapošljavanje.



Grb Grada Zenice

Gradonačelnik Kasumović je zahvalio na ovoj posjeti i otvorio mnoga pitanja kad je o investicionim ulaganjima riječ. Dogovoreno je da se s tim u vezi pripremi pismo namjere koje će se uputiti putem Turske ambasade u BiH nadležnim subjektima u Turskoj.

Ambasador je posjetio i sjedište Ze-do kantona gdje je razgovarao sa premijerom Miralemom Galijaševićem, Muftijstvo zeničko, Rektorat Univerziteta u Zenici i fabriku Natron-Hayat u

NOVOGODIŠNJI PRIJEM ZA PENZIONISANE RADNIKE GRADSKJE UPRAVE

Povodom novogodišnjih praznika, bihački gradonačelnik Šuhret Fazlić, organizirao je 29. decembra/prosinca tradicionalni prijem za penzionere, nekadašnje uposlenike gradske uprave Bihaća. Godina na izmaku bila je prilika da se sumiraju aktivnosti u gradu Bihaću, a zahvalivši svim penzionerima na njihovom doprinosu tokom rada u gradskoj upravi, gradonačelnik Fazlić, kazao je da su nekadašnji radnici marljivim radom, odricanjima i entuzijazmom, pomogli da današnja gradska administracija bude u službi građana. „Hvala vam na svemu što ste tokom svoje radne karijere u gradskoj upravi Bihaća učinili za ovaj grad i njegove stanovnike. Bilo je teških vremena uslijed agresije na našu zemlju, ali ste uspjeli i tad, ali i poslije rata održati red i nije se prekidao rad lokalne uprave“-istakao je gradonačelnik Fazlić. On je penzionere upoznao sa svojom idejom da iste uključi kroz savjetodavni dio u procesu donošenja bitnih odluka za daljnje funkcionisanje gradske administracije. Tu ču, ističe gradonačelnik Fazlić, učiniti kako bih vaše znanje prenio mlađim radnicima u gradskoj upravi.



KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

NAČELNIK TUKIĆ URUČIO 280 NOVOGODIŠNJIH PAKETIĆA



Osmjeh i radost na lica za 236 mališana od I do V razreda OŠ“21 mart“ Matuzići donio 29. decembra/prosinca Općinski načelnik Mirnes Tukić koji je zahvaljujući privrednicima obezbjedio za njih i za četrdesetoro djece vrtića “Dječiji svijet“ novogodišnje paketiće. Prilikom uručivanja paketića školarcima načelniku su se pridružili Mensura Kunalić-direktorica ove škole i općinski vijećnik Muharem-Hari Delić. Direktorica škole se u ime djece zahvalila na ovom humanom gestu, kazavši da je općina uvijek imala

razumijevanje i podršku za svoje najmlađe sugrađane i da ta podrška, nada se neće izostajati i u buduću. Načelnik Tukić se posjetom Područnoj školi u Mravićima uvjerio u loš kvalitet nekoliko starih prozora na zgradi, obećavši da će općina naći načina da se ova stolarija što prije zamjeni novom.



Grb Općine Dobo Jug

ODRŽAN RADNI SASTANAK U CILJU OBEZBJEĐENJA NORMALNOG FUNKCIONISANJA KOMUNALNIH I DRUGIH USLUGA U TUZLI



Pratite našu
web stranicu



U povodu višednevnih ekstremno niskih temperatura u prostorijama Gradske uprave je 9. januara/ svibnja gradonačelnik Tuzle održao radni sastanak sa direktorima javnih komunalnih preduzeća Centralno grijanje, Vodovod i kanalizacija, Komunalac, JZNU Dom zdravlja, JP Veterinarska stanica, JU Centar za socijalni rad, te predstavnicima Elektro distribucije Tuzla, PU Tuzla, GiPS, Crveni križ Tuzla i predstavnicima nadležnih gradskih službi.

„Zbog ekstremno niskih temperatura u zadnjih nekoliko dana, neke gradske službe i preduzeća izloženi su dodatnim naporima, kako bi se poduzele sve mjere u cilju obezbjeđenja normalnog funkcionisanja komunalnih i drugih usluga u gradu. Danas sam saslušao njihove izvještaje. Zadovoljan sam reakcijom nadležnih službi, javnih komunalnih preduzeća i javnih ustanova čiji je osnivač Grad Tuzla, a upozorio sam da treba izdržati do konca sedmice ovim tempom, a onda nam ponovo slijede ekstremno niske temperature. Mogu da kažem da sam zadovoljan reakcijama JKP Vodovod i kanalizacija, na incidente koji se događaju na terenu, jer imaju oko tridesetak intervencija dnevno, zatim Centralnog grijanja, Elektro distribucije i GiPS-a, to je dio sistema gdje se ne smije stati, te JKP Komunalac, kada je u pitanju prohodnost cesta. Informisani smo da je nekoliko službi, prije svega Centar za socijalni rad, u saradnji sa PU Tuzla, već preventivno zbrinulo beskućnike, kako bi ih zaštitili od bilo kakve vrste nesreće. Imali smo i izvještaj vezan za zaštitu životinja, našeg JP Veterinarska stanica, tako da smo, za sada, zadovoljni, a nastaviti ćemo analizirati stanje i poduzimati mjere, kako bi se ovakvo stanje i nastavilo. To je bila svrha ovog sastanka, da obavijestimo građane o poduzetim mjerama i da im pružimo sigurnost da će se tako i nastaviti. Za očekivati je da će problem trajati, uz jednu malu pauzu, kako najavljuju metereolozi, a zatim se nastavljaju ekstremno niske temperature i želim da svi subjekti u gradu Tuzla budu spremni, kao što su bili spremni i do sada, od kako su počele ekstremno niske temperature“, izjavio je nakon sastanka gradonačelnik Tuzle Jasmin Imamović.



Grb Grada Tuzle

ODRŽANO VEČER DIJASPORE I PRIVRENIKA OPĆINE BUŽIM

Općina Bužim zajedno sa Udruženjem privrednika Općine Bužim organizirala je "Večer dijaspore i privrednika Općine Bužim". U sali Općine Bužim Općinski načelnik Zikrija Duraković upriličio je prijem za bužimске privrednike. Na ovom prijemu bilo je govora o načinu pružanja boljih usluga i rješavanju svih problema kojima se susreću naši privrednici. Pored toga bilo je govora o načinu i mogućnostima unaprijeđenja međusobne saradnje. Nakon održanog prijema za privrednike Općine Bužim, upriličen je i prijem za naše sugrađane koji žive i rade izvan naše općine. Na ovom prijemu razgovaralo se o problemima sa kojima se susreću naši sugrađani kada dođu u svoju općinu. Načelnik Duraković upoznao je prisutne da je uvedena novina u rad Općinskog organa uprave a to je da će od naredne godine svaka prva subota u mjesecu biti radna što će svakako olakšati našim sugrađanima koji trebaju da podignu potrebni dokument.



Grb Općine Bužim

Nakon održanih prijema u Općini Bužim nastavljeno je zajedničko druženje u Caffè bar Aliju gdje su u kulturno-zabavnom programu učestvovao Ženski gradski hor, bend "Gazija" i Behar bend. "Nismo htjeli čekati narednu godinu da bismo napravili ovaj sadržaj za naše ljude koji žive i rade izvan naše Općine. Odlučili smo da to uradimo odmah ove godine kako bi svi znali da iduće godine na 30. decembar pripremamo za vas druženje i prigodan program. Zahvaljujem se našim privrednicima koji su podržali večerašnje druženje i svima vama koji ste se odazvali. Ovo će biti naša praksa u narednom periodu. Želimo da zajedno omogućimo i učinimo ugodniji život svim našim sugrađanima", kazao je Zikrija Duraković, načelnik Općine Bužim.

JEDNA OD NAJUSPJESNIJIH GODINA ZA OPĆINU ILIJAŠ

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Kada je u pitanju zapošljavanje, načelnik ističe da je Ilijaš općina sa najvećim zamahom zapošljavanja, u posljednje četiri godine zaposleno je 470 osoba, što je povećanje od 14 posto, što posebno raduje, jer je Ilijaš imao najveći broj nezaposlenih u Kantonu Sarajevo.



Budžet Općine Ilijaš za 2017. godinu iznosi 12.238.900,00 KM što je od reintegracije Općine Ilijaš najveći predloženi Budžet. Budžet Općine Ilijaš je razvojnog karaktera i planirana su značajna ulaganja u obrazovanje, zdravstvo, saobraćajnu infrastrukturu i razne projekte od društvenog značaja.

Načelnik Fazlić naglašava da će privreda i ekonomski razvoj i dalje biti prioritet, da će se u tom segmentu nastaviti istom dinamikom, ulaganjima u razvoj industrijskih zona. Izgradnjom trafostanice u saradnji sa Elektroprijenosom BiH bit će u potpunosti riješeno pitanje snabdijevanja električnom energijom.

Kada je u pitanju zapošljavanje, načelnik ističe da je Ilijaš općina sa najvećim zamahom zapošljavanja, u posljednje četiri godine zaposleno je 470 osoba, što je povećanje od 14 posto, što posebno raduje jer je Ilijaš imao najveći broj nezaposlenih u Kantonu Sarajevo.

Ono što načelnik Fazlić naziva generacijskim i mandatnim projektom je rješavanje pitanja adekvatnog vodosnabdijevanja na cijelom području općine Ilijaš. Već se pristupilo izradi elaborata i istražnih radnji stručnjaka koji će otkriti mogućnosti za realizaciju tog velikog poduhvata, također nastavit će se rekonstrukcija postojeće vodovodne mreže, te filter stanice, što bi trebalo optimizirati vodosnabdijevanje za sve stanovnike općine. Za 2017. godinu načelnik najavljuje izgradnju moderne gradske tržnice kao projekat na koji je došao red za realizaciju.

Saobraćajna infrastruktura i njena modernizacija će i dalje biti prioritet, u ovoj je godini bilo ulaganja sa raznih nivoa oko četiri miliona KM za tu svrhu. Pored toga što se treba završiti rekonstrukcija regionalnih cesta na području općine Ilijaš, bit će nastavljeni svi projekti započeti u ovoj godini koji nisu završeni. Za 10 dana očekuje je i da će biti otvoren prijelaz kod Alića rampe, iako još neće biti uspostavljena zvučna signalizacija. Prema riječima načelnika Fazlića, Željeznice FBiH nisu mogle pratiti ovaj projekat i određeni imovinsko-pravni problemi usporili su projekat.

Nastavit će se ulaganja i unapređenja i u oblasti kulture, sporta, zdravstva, obrazovanja. urađeni su projekti u školama u Srednjem, Ilijašu, Podlugovima, sljedeće: „Ove je godine 150 000 KM za stipendije i ta sredstva iz godine u godinu se povećavaju. U zdravstvu želimo uvesti nove funkcije, prije svega Centar za fizikalnu terapiju, Centar za mentalno zdravlje i niz drugih specijalističkih funkcija. Također nabavit ćemo savremeni aparat za ultrazvuk u Centru za žene i materinstvo i poboljšati rad područnih ambulanti, iako je to prije svega posao JU Dom zdravlja KS. U oblasti sporta izgradnja sportskog kompleksa na lokalitetu postojećeg Gradskog stadiona, biće ključni projekat. Investirat ćemo u izgradnju univerzalnih sportskih ploha u Podlugovima i Mrakovu.“

Čestitajući Novu godinu, pored zdravlja i životne sreće načelnik Fazlić poručuje da se trebamo truditi da budemo konkurenti, a to nam jedino garantuje rad i učenje, te da s odlukama da ćemo više učiti i djelovati i angažirati se trebamo ući u 2017. godinu.

Izvor: www.radioilijas.ba



SPORAZUM O SARADNJI IMEĐU GRADA MOSTARA I SARAJEVO GREEN DESIGN FONDACIJE

Gradonačelnik Mostara Ljubo Bešlić, u ime Grada Mostara, i Elma Durmišević, direktorica Fondacije Sarajevo Green Design, potpisali su 22. decembra/ prosinca u Gradskoj vijećnici u Uredu gradonačelnika Sporazum o saradnji između Grada Mostara i Sarajevo Green Design Fondacije. Predmet Sporazuma je osnivanje Green Design Centra (GDC) u Mostaru, a koji Sarajevo Green Design Fondacija donira Gradu Mostaru. SGD Fondacija će pripremiti idejni projekt, projektnu dokumentaciju za pripremu i realizaciju izgradnje Green Design Centra kao internacionalnog centra koji će okupiti akademsku, kulturnu i privrednu zajednicu. Green Design Centar bit će korišten kao platforma za inovacije i edukativne svrhe u graditeljstvu, povećanjem vrijednosti građevine, građevinskih materijala, proizvoda i komponenti za njihovo ponovno korištenje, u svrhu doprinosa povećanju komfora i kvaliteta življenja.



Temeljem potpisanog sporazuma SGDF će osigurati neophodna novčana sredstva za izgradnju kroz Evropski HORIZON 2020 projekt „Buildings as Material Banks“, a Grad Mostar se obavezao da će za izgradnju GDC osigurati lokaciju s pratećom infrastrukturom smještenu u južnoj zoni Grada Mostara te osigurati sva neophodna odobrenja za gradnju i priključke kod nadležnih službi Grada Mostara.

Grad Mostar i SGDF će tokom realizacije projekta povezati naučnu infrastrukturu Sveučilišta u Mostaru i Univerziteta „Džemal Bijedić“, putem Građevinskih i drugih fakulteta sa proizvodnom industrijom.

Grad Mostar i SGDF će tokom realizacije projekta povezati naučnu infrastrukturu Sveučilišta u Mostaru i Univerziteta „Džemal Bijedić“, putem Građevinskih i drugih fakulteta sa proizvodnom industrijom.



Grb Grada Mostara

NAČELNIK ZOVKO I MINISTAR MARIĆ POTPISALI UGOVOR U SUFINANSIRANJU PROJEKTA REKONSTRUKCIJE I ASFALTIRANJA PUTA U NOVOM NASELJU



Općinski načelnik Mato Zovko i ministar u Vladi FBiH Josip Martić, su 9. januara/ siječanj potpisali ugovor o sufinanciranju projekta – Nastavak radova na sanaciji oštećene infrastrukture na području općine Žepče – rekonstrukcija i asfaltiranje lokalnog puta u Novom Naselju. Odlukom o usvajanju Programa utroška sredstava sa kriterijima raspodjele sredstava „Tekući transferi drugim razinama vlasti i fondovima za sanaciju šteta nastalih usljed poplava i klizišta“, utvrđenog Proračunom Federacije BiH za 2016. godinu, Federalno ministarstvo prostornog uređenja sudjeluje u sufinanciranju navedenog projekta u iznosu od 50.000

KM. Načelnik se kratko osvrnuo na sve one realizirane projekte na području općine Žepče u prošloj godini, te se zahvalio ministru Martiću na novim sredstvima s kojima će biti asfaltiran put u Novom Naselju od Dnevnog centra za djecu i odrasle s posebnim potrebama do tržnog centra Armani. Ministar Martić iskazao je zadovoljstvo što će ovaj Projekt pomoći, prvenstveno korisnicima Dnevnog centra za djecu i odrasle s posebnim potrebama, te je naglasio da će uvijek činiti sve što je u njegovoj moći da pomogne svojoj općini i stanovnicima koji u njoj žive.



Grb Općine Žepče

KAKO BI OSIGURALI BOLJI PREVOZ ZA STANOVNIKE RUBNIH PODRUČJA OPĆINA ĆE NABAVITI KOMBI VOZILA ZA PREDUZEĆE GRAS



Načelnik Općine Centar dr. Nedžad Ajnadžić održao je sastanak sa ministrom saobraćaja Kantona Sarajevo Mujom Fišom i delegacijom KJKP Gras koju su činili generalni direktor Avdo Vatrić i izvršni direktor za autobuski i minibuski saobraćaj Jakub Kubur.

Na sastanku je načelnik Ajnadžić izrazio spremnost lokalne zajednice da izdvoji sredstva za nabavku novih kombi vozila, kao i preuzimanje upravljanja kosim liftom na Ciglanama.

Ajnadžić je kazao da je povod

sastanka rekapitulacija usluga koje KJKP Gras pruža građanima Centra, ali i razgovor o problemima koji se javljaju naspram toga.

„Naš cilj je uspostavljanje redovnih minibuskih linija prema padinskim naseljima u općini Centar - Soukbunar, Koševsko brdo, Nahorevo-Pionirska dolina, te Podhrastovi-Sedrenik, kako bi stanovnici ovih dijelova općine Centar dobili adekvatan gradski prevoz kakav i zaslužuju. Općina Centar je u mogućnosti da uloži određena finansijska sredstva za nabavku novih minibusova koji bi bili u našem vlasništvu, a predati Grasu na korištenje, naglasio je Ajnadžić i dodao da je Općina Centar zbog stalnih zahtjeva građana zainteresirana za preuzimanje upravljanja kosim liftom na Ciglanama, te da će se u narednom periodu Općinsko vijeće Centar izjasniti o tome i dostaviti konačnu odluku“, rekao je Vatrić.

Direktor Vatrić je istakao da za ovo preduzeće najveći problem predstavlja nedostatak minibusova koji novi koštaju oko 140.000 KM i stoga je ovakva inicijativa više nego dobrodošla. Za rješavanje pitanja upravljanja nad kosim liftom na Ciglanama preduzeće Gras će nakon donesene odluke Općinskog vijeća uputiti saglasnost prema Ministarstvu saobraćaja KS kako bi se to pitanje prosljedilo na Skupštinu Kantona Sarajevo koja o tome donosi konačnu odluku.

„Jako nas raduje spremnost Općine Centar i načelnika Ajnadžića da nabavi nova kombi vozila za padinske dijelove na kojima zaista imamo mnogo problema. Što se tiče kosog lifta moram naglasiti da je i nama u interesu da lift preuzme neko ko će moći uložiti sredstva u njegov generalni remont“, kazao je Vatrić.

Ministar Fišo je naglasio da su građani Kantona Sarajevo nezadovoljni kvalitetom usluga koje pruža KJKP Gras, te da treba uložiti maksimalne napore kako bi se to stanje promijenilo.

„Želim se zahvaliti Općini Centar na ponuđenoj pomoći za kupovinu minibusova. Mislim da bi time definitivno bio riješen problem minibusnog saobraćaja. Činjenica da u gradu trenutno saobraća 60 autobusa, a potrebno je 100, te 22 minibusova, a potrebno je 44, pokazuje da je kvalitet pružanja usluga na veoma niskom nivou. Iskreno se nadam da će ovo o čemu smo razgovarali uroditi plodom, a Ministarstvo saobraćaja vam daje punu podršku“, istakao je Fišo.

ZA TRI PROJEKTA IZ ENERGETSKE EFIKASNOSTI SREDSTAVA IZ REVOLVING FONDA

Na osnovu provedenog javnog konkursa za dodjelu sredstava iz Revolving fonda za finansiranje projekata energetske efikasnosti za 2016. godinu Fond za zaštitu okoliša je dodjelio sredstava iz za tri projekta za povećanje energijske efikasnosti.

U sklopu programa primjene mjera energijske efikasnosti u nestambenim (javnim) objektima sredstva su dodjeljena Banjsko-rekreativnom centru AQUATERM Olavo za projekat zamjena sistema centralnog grijanja odnosno ugradnja toplinskih pumpi u iznosu do 150.000,00 KM - sa periodom povrata sredstava od 54 mjeseca.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

„Naš cilj je uspostavljanje redovnih minibuskih linija prema padinskim naseljima u općini Centar - Soukbunar, Koševsko brdo, Nahorevo-Pionirska dolina, te Podhrastovi-Sedrenik, kako bi stanovnici ovih dijelova općine Centar dobili adekvatan gradski prevoz kakav i zaslužuju“, istakao je Ajnadžić.



Pratite našu
web stranicu

Sredstva u sklopu LOT 2, projekti primjene mjera energijske efikasnosti i obnovljivih izvora energije kao mjere energijske efikasnosti u nestambenim (privrednim) objektima, dodijeljena su kompaniji Suton d.o.o. Široki Brijeg za projekat: "Zamjena rasvjetnih tijela LED rasvjetom" u iznosu do 84.000,00 KM - sa periodom povrata sredstava od 84 mjeseca. Ova kompanija je dobila i sredstva u sklopu LOT 3, projekti energijske efikasnosti u industrijskim procesima, sredstva za projekat: "Investicija ugradnje utilizatora" u iznosu do 89.683,76 KM- sa periodom povrata sredstava od 84 mjeseca.

U odluci Fonda stoji da će se sa odabranim korisnicima Union banka zaključiti ugovore o kreditu, koji će odrediti iznos odobrenih sredstava, uslovi i način korištenja i otplate dodijeljenih sredstava, vremenski rokovi, način stavljanja na raspolaganje i kontrola odobrenih sredstava, te ostala međusobna prava i obaveze ugovornih strana.



U sklopu programa primjene mjera energijske efikasnosti u nestambenim (javnim) objektima sredstva su dodijeljena Banjsko-rekreativnom centru AQUATERM Olovo za projekat zamjena sistema centralnog grijanja odnosno ugradnja toplotnih pumpi u iznosu do 150.000,00 KM - sa periodom povrata sredstava od 54 mjeseca.

USKORO POČINJE MANIFESTACIJA DANI ISAKA SAMOKOVLJE – SUNCE NAD DRINOM



Tradicionalna manifestacija „Dani Isaka Samokovlje – Sunce nad Drinom“ Goražde – Sarajevo – Fojnica posvećena velikom književniku i humanisti, dr. Isaku Samokovliji počeće 16. januara i u nekoliko segmenata održavaće se do 15. oktobra ove godine.

Trinaestom po redu manifestacijom obilježava se 128 godina od rođenja i 62 godine od Samokovlijevine smrti. Samokovlija je rođen u Goraždu, Fojnica i Sarajevo su mjesta njegovog stvaralačkog rada koji je i spona između tri grada u kojima će se

dešavati dijelovi ovogodišnjeg programa.

Tim povodom danas je u JU Centar za kulturu Goražde održan prvi sastanak Organizacionog odbora kojim je predsjedavao Sanid Zirak, pomoćnik načelnika Općine Goražde koja je, uz Centar za kulturu i Jevrejsku zajednicu u BiH, glavni organizator manifestacije koja će početi 16. januara, polaganjem cvijeća pred bistu Isaka Samokovlje, u dvorištu Doma zdravlja koji nosi njegovo ime.

U holu Centra za kulturu istog dana biće otvorena postavka dokumenata koji svjedoče o Samokovlijinom životu i djelu u organizaciji Muzeja književnosti i pozorišne umjetnosti BiH, a potom će se u maloj sali Centra održati skup na kome će se govoriti o stvaralaštvu Isaka Samokovlje i posebno o njegovim djelima u kojima preovladavaju zavičajni motivi. Ovom prilikom biće izveden i kulturno umjetnički program. U februaru će biti raspisan konkurs za izradu literarnih radova za učenike osnovnih i srednjih škola u BiH koji će pisati na nekoliko tema povezanih sa stvaralaštvom Isaka Samokovlje. U aprilu mjesecu održaće se u Goraždu tradicionalni kviz za đake osnovnih srednjih škola o poznavanju života i djela ovog bosanskohercegovačkog pisca.

U sklopu manifestacije, u sarajevskoj galeriji Novi hram biće postavljena izložba slika iz fundusa goraždanske Internacionalne likovne kolonije na kojima su motivi Drine i Goražda, a ista izložba bi trebala da bude predstavljena i likovnoj publici u Fojnici.



Grb Općine Goražde

NAČELNIK OPĆINE KUPRES U RADNOJ POSJETI U SARAJEVU



SARAJEVO - U četvrtak 22. prosinca/decembar 2016. godine, načelnik općine Kupres, gosp. Milan Rašteggorac sa suradnicima, boravio je u Sarajevu, gdje je održao susret sa direktorom Federalne uprave za geodetske i imovinsko-pravne poslove dipl.ing. Željkom Obradovićem. Tom prilikom izvršeno je preuzimanje geodetske opreme u vrijednosti od 21.645,00 KM za Službu za graditeljstvo, urbanizam, prostorno uređenje, katastar i geodetske poslove općine Kupres. Također, iskoristio je priliku i održao sastanak u Federalnom

ministarstvu kulture i sporta, gdje je potpisan ugovor o dodjeli bespovratnih sredstava za organizaciju i održavanje Dana kosidbe na Kupresu u iznosu od 7.000,00 KM.

Isti dan je održan i sastanak sa predsjednikom Vlade FBiH gosp. Fadilom Novalićem i glavnom tajnicom Vlade FBiH, Editom Kalajdžić gdje se razgovaralo o rješenjima i mogućnostima nastavka izgradnje sportske dvorane u Kupresu.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelsm.com
www.eacea.ec.europa.eu

U FERHADJI POSTAVLJENA SPOMEN PLOČA INDEXIMA

Općina Stari Grad postavila je spomen ploču u čast legendarne muzičke grupe "Indexi" u ulici Ferhadija, kod ulaza u Trg oslobođenja-Alija Izetbegović. Spomen ploča postavljena je upravo na mjestu za koje se smatra da su tu nastali "Indexi" davne 1962. godine. "Na ovom mjestu, septembra 1962. godine, Ismet Nuno Arnautalić i Ševko Akšamija su osnovali pop-rock grupu Indexi", napisano je na spomen-ploči. "Indexi" su bili jedna od naših najdugovječnijih pop-rock grupa, a osnovali su je ritam gitarista Ismet Arnautalić i bas gitarista Šefko Akšamija, tadašnji sarajevski studenti, pa otud i ime „Indexi“. Tokom karijere koja je trajala četiri decenije "Indexi" su objavili dva studijska albuma, 27 singl ploča i 12 kompilacija. Poslije duge i bogate karijere grupa je prestala sa radom 2001. godine, nakon smrti pjevača Davorina Popovića. Zaključak o postavljanju spomen-ploče "Indexima" donijelo je Općinsko vijeće Stari Grad, koje je i predložilo lokaciju, te zadužilo načelnika i općinske službe da poduzmu sve potrebne aktivnosti na njegovoj realizaciji. Jedan od osnivača, Ismet Nuno Arnautalić, ranije je za medije izjavio da je upravo on bh režiseru Nedžad Begović ukazao na mjesto gdje su nastali Indexi.



"Ja sam Nedžadu Begoviću, u TV emisiji koju je režirao, pokazao mjesto gdje smo se Šefko Akšamija i ja dogovorili da formiramo pop rock grupu i da joj damo ime Indexi. On je shvatio da je to važna, nostalgijna informacija koju bi mnogi željeli znati i predložili smo Općini Stari Grad da tu informaciju učine javnom", rekao je Arnautalić.

Zaključak o postavljanju spomen-ploče "Indexima" donijelo je Općinsko vijeće Stari Grad, koje je i predložilo lokaciju, te zadužilo načelnika i općinske službe da poduzmu sve potrebne aktivnosti na njegovoj realizaciji.



JAVNI POZIV



Savez općina i gradova Federacije Bosne i Hercegovine objavljuje JAVNI POZIV za učešće u postupku odabira trenera za realizaciju stručnog usavršavanja izabranih zvaničnika - vijećnika u općinskim i gradskim vijećima u Federaciji Bosne i Hercegovine u 2017. godini.

Javni poziv se odnosi na eksperte za realizaciju uvodnog seminara „Šta vijećnici treba da znaju o lokalnoj samoupravi“ koji sadrži sljedeće tematske oblasti: Pravni okvir lokalne samouprave; Struktura i funkcionisanje lokalne vlasti; Upravljanje lokalnim razvojem;

Upravljanje prostorom i zemljištem; Upravljanje budžetom i finansijama; Pružanje javnih usluga; Upravljanje imovinom; Principi dobre uprave i Partnerstvo i saradnja građana i lokalnih vlasti.

Obuke su jednostavnog karaktera i održat će se u različitim mjestima na području Federacije BiH u periodu od februara do novembra ove godine.

Obrazac za prijavu i više pojedinosti o navedenom modulu možete naći na našoj web stranici www.sogfbih.ba, odnosno na vertikalnom meniju Treninzi i edukacije - CED / Javni poziv 2017.

Izabrani kandidat / ti dobit će Priručnik za izabrane zvaničnike „Lokalna uprava od A do Ž“, Priručnik za trenere, PP prezentaciju i vježbe, te će biti u obavezi da ocijeni i da prijedlog za revidiranje postojećeg priručnika i drugih materijala koji se koriste u procesu izvođenja obuke. U slučaju da se ukaže potreba za revidiranjem, to će izvršiti trener u okviru svog angažmana.

Pravo na podnošenje prijave za poziciju izvođača obuke imaju fizička i pravna lica.

Izbor izvođača obuke vršit će Stručna komisija koja će izvršiti ocjenjivanje ispunjenja uslova u skladu sa čl. 4. i 5. Pravilnika o izboru izvođača obuke i stručnog usavršavanja u jedinicama lokalne samouprave u Federaciji Bosne i Hercegovine. Pravilnik možete naći na web stranici Saveza općina i gradova FBiH www.sogfbih.ba u horizontalnom meniju INTERNI AKTI na drugoj strani, odnosno na sljedećem linku:

<http://www.sogfbih.ba/uploaded/interni%20akti/Pravilnik%20o%20izboru%20izvodj%20obu.pdf>

Potencijalni kandidati moraju dostaviti sljedeće dokumente:

- biografiju (CV) na jednom od službenih BH jezika,
- dokaz o odgovarajućoj stručnoj spremi,
- popunjen prijavni obrazac,
- referentnu listu,
- kopiju lične karte,
- izvod iz sudskog registra (za pravno lice),
- i druga dokumentacija kojom se može dokazati ispunjavanje minimalnih uvjeta za provođenje obuke u skladu sa čl. 4. i 5. Pravilnika o izboru izvođača obuke i stručnog usavršavanja u jedinicama lokalne samouprave u Federaciji Bosne i Hercegovine.

Dokumenti moraju biti u originalu ili ovjerene kopije.

Popunjen prijavni obrazac, uz priložene dokaze o ispunjavanju uvjeta, dostaviti putem e-maila na dino@sogfbih.ba ili pošte na sljedeću adresu:

Savez općina i gradova Federacije Bosne i Hercegovine

Musala br.5,

71 000 Sarajevo

s naznakom „Za javni poziv“, najkasnije do 28.01.2017. godine.

Za dodatne informacije zainteresirani se mogu javiti na telefon broj: 033 216 502, kontakt osoba je Edin Demirović.

Neotpune i neblagovremene prijave neće se uzeti u razmatranje.

Nakon završenog procesa odabira, svi prijavljeni kandidati će biti obaviješteni o rezultatima Javnog poziva.

[Obrazac za prijavu](#)
[Program seminara](#)





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

VIŠE DESETINA HILJADA POSJETILACA DOČEKALO JE NOVU 2017. GODINU NA TRGU BIH

Uprkos niskim temperaturama nekoliko desetina hiljada građana Sarajeva i gostiju iz svih krajeva BiH, susjednih zemalja, ostatka Evrope i SAD-a dočekalo je 2017. godinu na Trgu Bosne i Hercegovine uz nastup Dine Merlina.

Program su otvorili DJ duo After Affair, zatim su nastupili specijalni gosti iz Londona Yehan Jehan, te sarajevski bend Divanhana, da bi u 23 sata, praćen gromoglasnim aplauzom i ovacijama na scenu izašao Dino Merlin. Uz tradicionalno odbrojanje, gradonačelnik Sarajeva Ivo Komšić, zajedno sa svojim zamjenicima Abdulahom Skakom i Rankom Čovićem, te partnerima u projektu – predstavnicima Kantona Sarajevo i gradskih općina: Stari Grad, Centar, Novo Sarajevo i Novi Grad, okupljenima je zaželio sretnu 2017. godinu.

Jedan dio Trga bio je pretvoren u multimedijalnu instalaciju skulpture stilizirane u obliku ptice, koja spaja umjetnost i tehnologiju, ljude i svjetove. Ova skulptura je u posljednjim sekundama 2016. godine simbolično uzletjela noseći poruku slobode i mira svih građana BiH.

„U ime svih nas i u ime ovog lijepog grada pošaljimo poruku mira. Sa ovog posebnog mjesta, posebnog grada pošaljimo bijelu pticu umjetnice Edine Selesković. Neka ta ptica ode u svijet i kaže da je ovo mjesto koje želi mir i sreću. Neka takva bude 2017.“, kazao je Merlin.

Dogradonačelnik Skaka je zajedno sa svojim saradnicima posjetio porodilište "Jezero", gdje je četiri minute poslije ponoći rođena je prva beba u novoj 2017. godini. Sretna majka Sanela Hero na svijet je donijela zdravu djevojčicu od 3,9 kila, a 53 centimentra dužine. Dogradonačelnik Abdulah Skaka uručio je majci poklon bon u vrijednosti od 500 KM i buket cvijeća. „Ovo je jedan jako lijep običaj. Mi ćemo se truditi da to održimo i u budućnosti“, istakao je Skaka.

Skaka je također dežurnim lekarima i sestrama poželio sretnu i uspješnu Novu godinu.

I ove godine nastavljena je tradicija obilaska Kantonalne uprave civilne zaštite/Profesionalne vatrogasne brigade Kantona Sarajevo, Prve policijske uprave MUP-a KS i Zavoda za hitnu medicinsku pomoć KS, kojima je zamjenik gradonačelnika Abdulah Skaka zahvalio što su u prazničnoj noći bili na usluzi građanima i gostima grada, te im poželio uspješnu i sretnu Novu 2017. godinu. Ove godine, Grad Sarajevo je dan ranije, 30. decembra 2016. godine organizovao proslavu svim dežurnim ekipama u Sarajevo Holiday Marketu, kako bi im izrazio zahvalnost što će u novogodišnjoj noći biti u pripravnosti i građanima u svakom trenutku biti na usluzi.



Grb Grada Sarajeva